



Tabela 1	2016
Populasaun, millaun	1,3
PIB, korrente, US\$ billiaun	1,6
PIB per kapita, korrente US\$ billaun	1239
Lina kiak nasional (%)	41.8
Lina kiak internasional	30.3
Matrikula eskola (%)	136,1
Durasaun moris (tinan)	68,0

Rezumu

Wainhira tama iha tinan eleisaun nian, Timor-leste bele hare fila fali ba kotuk susesu boot ne'ebé atinji hanesan redusaun kiak ne'ebé lalais liu kompara ho nasaun sira seluk iha tinan hirak nia laran. Maske nune'e, taxa kiak kontinua as, no nasaun hasoru risku ne'ebé kontinua impede progressu ne'ebé halo ona to'o ohin loron. Produsaun mina hahu menus, ne'ebé sei husik Timor-Leste iha defise orsamentu ida ne'ebé boot, no rikusoin fundo mina rai nasaun nian komesa menus. Programa infra-estrutura publika ida urjente presiza atu aumenta potensia kresimentu, fo apoia ba diversifikasaun ekonomia no kria base taxa sustentavel. Maibe susesu husi estratejia ida ne'e depende ba rekursu ne'ebé usa hodi fo retornu iha valor osan hodi atinji nasaun nian nesiedade ba desenvolvimentu ekonomiku no sosial.

Situasaun Ekonomia Atual

Estimasaun kiak ikus nian hatudu katak, iha tinan 2014 mais-ou-menus populasaun ho porsentu 42 moris iha lina kiak ba nesiedade bazika nian. Ida ne'e hatudu redusaun ida ne'ebé boot husi taxa kiak porsentu 50 iha 2007, hafoin períodou konfliktu remata. Iha períodou

hanesan, kresimentu ekonomia domestika sae porsentu 77 no Produitu Internu Bruto (PIB) per kapita sae porsentu 48, maske maioria husi kresimentu ne'e mai husi seitor publika ne'ebé sei domina liu iha area ekonomia. Wainhira Uza lina kiak internasional dolar 1,90 amerikanu, kiak tun lalais liu tan husi porsentu 47,2 ba porsentu 30,3 iha períodou ida ne'e – ho taxa pontu porsentual 2,4 kada tinan.

Ida ne'e hatudo progresu ne'ebé lalais liu kompara ho progresu ne'ebé atinji husi nasaun sira seluk ne'ebé iha dezvoltamentu nia laran, iha períodou hanesan.

Indikador sira laos-osan ba kiak nian mos sae makás hanesan aumentu iha asesu eletrisidade ba populasaun to'o porsentu 72 kompara ho porsentu 37 husi populasaun ne'ebé hetan asesu iha tinan 2007, no mos asesu ba be mos, sanitasaun ne'ebé melloradu sae makas. Maske nune'e, dezempregu no subempregu nafatin as, nivel edukasaun minimu, malnutrisaun no probelma saude sira seluk sei nafatin hanesan problema ida ne'ebé sériu.

Estimasaun atividade ekonomia doméstika (eskluir rikusoin mina iha tasi laran) iha kresimentu ne'ebé razoavel ho ritmo porsentu 4,3 iha 2014, no mais-ou-menus porsentu 5 iha 2015. Tendensia iha gastus Governu nian ba investimentu públiku no despezas korente sei kontinua fo efeitu direktamente ba kresimentu ekonomiku. Husi 2012 to 2014, taxa kresimentu PIB muda tuir mudansa tendensia despeza Governu. Inflasaun ki'ik iha tinan tolu kotuk liu ba, no diflasaun durante 2016 nian laran, ho índise presu konsumedor (IPK) nasional tun kada fulan exclui iha fulan Dezembru.

Presu ne'ebé tun tamba afeita husi apresiasaun dolar amerikanu ne'ebé hanesan Timor-Leste nia Kambiu Oficial. Ida ne'e iha impaktu boot ba presu sasan importasaun. Presu merkadoria ne'ebé kontinua ki'ik iha tinan 2016, liu-liu petroleu no ai-han mos kontribui ba redusaun presu.

Produsaun mina iha tasi Timor kontinua menus tuir kampu mina ne'ebé menus. Maske iha livru orsamentu 2016 la publika ona kona ba volume produsaun, estimasaun ne'ebé halo husi reseita estadu hatudu katak produsaun posivelmente tun ona kuaze 50 porsentu iha 2016. Timor-Leste nia exportasaun la inklui mina fo kontibusaun ba reseitas guvernun ho skala ne'ebé ki'ik.

Exportasaun Merkadoria ne'ebé boot maka kafé, enkuantu turismu mos kontribui rendimentu balu. Kafé sai ona fonte ba osan iha Timor-Leste, maibe seitor ne'e laiha mudansa iha dekada ida ikus ne'e tamba investimentu no fasilitasaun servisu ne'ebé menus. Maske nune'e, dadus provizoriu hatudu katak eksportasaun kafé aumenta makas iha 2016, ho eksportasaun annual kuaze millaun 30 dolar amerikanu, aumentu liu dala rua kompara ho nivel eksportasaun tinan tolu kotuk. Ida ne'e posivelmente tamba kombinasan husi presu ne'ebé tun ho fornimentu ne'ebé aumenta, no melloramentu iha resultadu kuantidade kafé hafoin kondisaun klima ne'ebé ladiak iha tinan rua liu ba.

Enkuantu informasaun atual kona ba turista ne'ebé tama laiha, estimasaun resente iha 2014 hatudu katak número turista ki'ik liu tuir padraun internasional, besik 60,000 kada tinan, maske número ne'e aumenta nei-neik husi tinan ba tinan. Iha 2016, reseitas estadu husi seitor mina rai tun makas besik billaun 1 dolar amerikanu iha 2015 ba millaun 400 dolar amerikanu iha 2016 (projetadu). Iha periodu ne'ebé hanesan, despeza guvernun projetadu sae millaun 350 dolar amerikanu, hodi haluan tan lakuna fiskal. Despeza guvernun em jeral (inklui reseita mina-rai) tun ba defise ba dala uluk desde hahu produsaun iha 2005, ho defise hamutuk porsentu 6.4 husi PIB em-geral.

Iha 2016, defise ne'e projetadu atu atinji porsentu 29 husi PIB em jeral. Ida ne'e hatudu katak maske depois de konta hamutuk ho retornu husi investimentu fundu mina-rai, Governu nia ativus finanseirus kontinua tun. Nivel Estimasaun independente sustentabilidade fiskal ne'ebé

finansia husi fundu mina-rai iha 2016 maka millaun 545 dolar amerikanu, enkuantu levantamentu atual barak liu dala rua husi nivel ne'e, hamutuk millaun 900 dolar amerikanu.

Iha julho 2016, Governu anunsiu orsamentu adisional atu hasae despeza apropiasaun millaun 400 dolar amerikanu ka porsentu 26 husi PIB laos-minarai to Desembro 2016. Relatoriu kona ba orsamentu adisional hatete katak despeza ne gasta antes eleisaun, planeadu atu ezejuta iha tinan klaran 2017.

Estimasaun despeza Governu sae liu porsentu 20 iha 2016, no porsentu 50 desde 2013. Transferensia Governu no despeza kapital kontribui maioria ba aumentu iha despeza.

Transferensia ba pensaun veteranus sei kontinua no aumenta tan ho transferensia ne'ebé boot ho montante millaun 218 dolar amerikanu iha 2016 ba zona autonomia Oecusse, distritu ida iha Timor-Leste ho número populasan mais-ou-menus 60,000 – alokasan orsamentu besik 3,500 dolar amerikanu kada ema iha tinan ida. Aumentu iha despeza kapital inklui projetu ba estrada, ne'ebé ho diferenca bo'ot iha kustu – projetu konstrusaun estrada ida iha area rural, ho número poulasaun ne'ebé ki'ik ho kustu millaun 10 dolar amerikanu kada kilómetru. Kontribuisan Governu ba dezvoltamentu portu foun liu husi perseria públiku privadu ho kustu millaun 131 dolar amerikanu mos transfere ba konta de garantia iha 2016.

Perspectiva

Aktividade ekonómika espera sei hetan afeitun husi eleisaun prezidensial no parlamentar iha tinan 2017. Despeza ba Atividade produtivu balu sei espera atu uza fali ba atividade kampanha, maibe orsamentu estadu 2017 ne'ebé prepara dau-daun ne'e hatudu katak iha redusaun ba planu despeza tamba administrasaun muda ba "forma provizoriu" durante tinan eleisaun nian. Nia resultadu maka kresimentu PIB espera tun ba porsentu 4 iha 2017, antes rekopera fali ba porsentu 5 iha 2018 ho orsamentu ba tinan tomak husi Governu

foun no kontinuasun husi planu atividade investimentu publiku privadu sira.

Depois de eleisaun ne'ebé maka lao ho diak completa iha 2017, investimentu diretu estranjeiru espera atu kontinua ho forma moderadu ho tendensia sae, maske investimentu ne'ebé aumenta posivelmente presija esforsu poitika ne'ebé makas iha area principal sira ba negosiu – ne'ebé inklui qualidade Informasaun komunikasaun no teknolojia, no ligasaun infraestrutur no governasaun ne'ebé efetivu, partikularmente iha area sira hanesan direitu ba propriedade no provizaun servisu governu nian.

Kontinuasaun husi investimentu governu nian iha infraestrutur báziku hanesan, autostrada, estrada local sira, irigasaun komunidad, be mos no saneamentu espera atu suporta redusaun kiak ne'ebé lalais, liu husi hadiak padraun moris no oportunidade hodi hetan rendimentu. Maske nune'e, kustu dezenvolvimentu ne'ebé boot hanesan projetu Tasi Mane espera atu fo impaktu ne'ebé mínimu liu iha redusaun kiak iha tempu badak, no posivelmente sei la fo retornu social iha senariu sira ne'ebé viável.

Risku no dezafius

Peskiza ne'ebé halao foin lalais ne'e hatudu katak desde período konfliktu iha 2006, Timor-Leste konsegue halo progresu ida diak iha redusaun kiak, no benefisiu husi investimentu públiku sai evidensia ba melloramentu ne'ebé boot ba asesu eletrisidade no servisu infra-estrutur báziku sira seluk. Maske ida ne'e apropiadu ba etapa inisiu dezenvolvimentu nian, investimentu sira ne'e no retornu ne'ebé hetan ona uza reseita husu rekursu mina-rai. Dezafiu principal orsamentu ba Timor-Leste maka oinsa atu muda ba modelu despeza ne'ebé sustentavel no re-ekuilibra ba kresimentu ne'ebé kontribui husi seitor privadu iha tinan lima to sanulu mai. Vizaun ba kampu mina-rai foun ne'ebé esplora hela iha

Timor-Leste kontinua la iha serteza. Maske deklarasaun konjunta foin lalais ne'e husi Governu Australia no Timor-Leste hatudu katak estadu rua ne'e tama ona iha diskusaun kona ba fronteira maritime permanente, bazeia ba tratadu ne'ebe iha, maioria husi kampu mina ne'ebé iha lokaliza iha tasi Australia nian. Mesmu halo dezenvolvimentu ba kampu mina-rai ne'ebé iha, ida ne'e la posivel iha tinan 10 nia laran, esforsu atu diversifika ekonomia ho forma sustentavel husi kresimentu seitor privadu sei importante hanesan mos forneseimentu oportunidade ekonomia oin-oin no proteje kontra afeitur sira ne'ebé posivel ba "Dutch Disease"

Figure 1 Timor-Leste/PIB, Componentes despezas nian




Figure 2 Timor-Leste/ Riku soin fundu mina- rai per Kapita




Tabela 2 Timor-Leste/ Indikadores Ekonomika Selesionadu

	2014	2015	2016	2017	2018	2019
Kresimentu PIB, Presu Merkadu Constanta (la inklui mina)	5,9	4,3	5,0	4,0	5,0	6,0
Exportasaun, sasán (merkadoria), US\$ Millaun	15,5	18,0	27,4	28,5	29,6	30,8
Importasaun, sasán (merkadoria), US\$ Millaun	-764,0	-692,0	-728,0	-864,0	-914,0	-930,0
Komérsio de servisu, Likuidu, US\$ Millaun	-3,88.0	-414,0	-486,0	-648,0	-647,0	-605,0
IPK Inflasaun, Període mediu	0,7	0,6	-1,3	3,0	4,0	4,0
Saldo das kontas atuál, % husi PIB	27,6	12,2	2,4	-11,2	-13,7	-14,8
Investimentu Estranjeiru Direita, US\$ Millaun	47,0	35,0	170,0	200,0	200,0	220,0
Balansu Fiskal, % husi PIB	21,8	-6,4	-29,2	-18,8	-35,1	-34,9